

## SAMOA

Faatulagaina o Aiaiga

1. Igoa puupuu ma le amataga
2. Tuusaunoaga faapitoa e faatatau i meaalofa tupe i le Pulega o Taaloga a le Pasefika i Saute 2007

---

### 2003, Nu. 10

**O SE TULAFONO e teuteu ai le Tulafono o Lafoga o Tupe Maua 1974 ina ia aiaia ai mo se toesega faapitoa mo meaalofa tupe i le Pulega o Taaloga a le Pasefika i Saute ma mo faamoemoega e faasino i ai.**      *[26 Iuni 2003]*

**UA FAIA** e le Fono Aoao Faitulafono a Samoa i totonu o le Palemene ua potopoto e faapea:-

**1. Igoa puupuu ma le amataga-**(1) E mafai ona taua leni Tulafono o le Tulafono o Teuteuga o le Tulafono o Lafoga o Tupe Maua (Meaalofa mo Taaloga a le Pasefika i Saute 2007) 2003 ma e tatau ona faitauina faatasi ma avea ai o se vaega o le Tulafono o Lafoga o Tupe Maua 1974 (o le Tulafono Autu).

(2) E tatau ona amata faamamaluina leni Tulafono i le aso 1 o Ianuari 2004.

2 *Teuteuga o le Tulafono o Lafoga o Tupe* 2003, Nu. 10  
*Maua (Meaalofa mo Taaloga a le Pasefika*  
*i Saute 2007)*

(3) O le faasilasilaga o le amata faamamaluina e tatau ona lomía faasalalau i le gagana Samoa ma le gagana Peretania i le Savali ma se isi nusipepa o lo o faasalalauina i totonu o Samoa.

**2. Tuusaunoaga faapitoa e faatatau i meaalofa tupe i le Pulega o Taaloga a le Pasefika i Saute 2007** – Ua teuteuina le Tulafono Autu i le faaofiina i ai o le fuaiupu o lo o mulimuli mai ina ua tuanai le fuaiupu 62:

**“62A. Tuusaunoaga faapitoa e faatatau i meaalofa tupe i le Pulega o Taaloga a le Pasefika i Saute 2007-(1)** I le noatia ma le fai fuafua i aiaiga o lenei Tulafono (e ese ai le fuaiupu 54), o le a tatau ona agavaa tagata fai lafoga taitoatasi uma i se toesea e ala i se tuusaunoaga faapitoa mai lana tupe maua totoe e ono mafai ona fuafuaina i le fua faatatau e 200% o le aofaiga o so o se tupe sa tuuina atu faameaalofa e le tagata fai lafoga i le Pulega o Taaloga a le Pasefika i Saute.

(2) Ina ia agavaa mo le toesea i lalo o le faafuaiupu (1) o tupe ua tuuina atu faameaalofa i le Pulega e ao ona:

(a) Totogiina i se teugatupe ua faamaonia e le Ofisa Sili o Pulega o le Matagaluega o Tupe ma e tatau i le Pulega ona tali atu mo ma ia sueina faasuetusi ia teugatupe e tusa ai ma faatonuga e tuuina mai e lea Ofisa Sili o Pulega mai lea taimi i lea taimi; ma

(b) Totogiina i totonu o lea teugatupe a o lumanai se aso ua fuafuaina e lea Ofisa Sili o Pulega i se Faasilasilaga; ma

(c) Se aofaiga e le itiiti ifo nai le \$104.

(3) O le Faasilasilaga i lalo o le faafuaiupu (2)(b) e tatau ona lomía faasalalau i le gagana Samoa ma le gagana Peretania i le Savali ma se isi nusipepa o lo o faasalalauina i totonu o Samoa.”

---

**Lolomiina e le Failautusi o le Fono Aoao Faitulafono,  
i le pule a le Fono Aoao Faitulafono.**